

num locos singulos. Dicit Krishnas III. 6. quid in silva Râdhâ quae-ro? insita illa remanet in corde. In ipsa igitur mente, non in exter-narum rerum orbe est quaeritanda. Defixus est animus in contemplan-da summa eius pulcritudine (III. 15. लग्नसमाधि मनः). *Contemplatione* defixus quum dicatur animus, res significatur, quae meditatione sit obtinenda et amplexanda. Contemplationem Râdhâe ipsi amica tribuit IV. 21: Contemplatur Râdhâ, solitudinem colens, te amatum, tanquam solum so-latium. Dulcium imaginationum oceano immersa, meditationi sese tra-dit Râdhâ VI. 10. A Krishna olim non separatam, nunc seiunctam se-met esse dolet Râdhâ IV. 22. VIII. 6. Occupat Râdhâ animum variis *meditationis* generibus VI. 11. Id enim significatur verbis आकल्प, विकल्प, संकल्प; cf. quae docte disputavit Windischmannus meus Sancara p. 24. quartum genus quod posuit poeta, तल्परचना, technice nisi fallor कल्प appel-latur, ita ut quatuor praecipuis meditationis generibus occupata dicatur Râdhâ. Obiter moneo, doctrinae huius originem cum Windischmanno non apud recentiores Vedanticos esse investigandam, sed in Yoga Patanjalis.

Summa porro est Râdhâ pulcritudo, quae omnia pulcritudinis ele-menta, in nulla nympharum divinarum congregata, sola in se accumu-lat (X. 15.); divina est pulcritudo, sed in terram delapsa. Tam pulcra est, ut vel parum arridendo animum ad se rapiat (XI. 22.); atque ex eius pulcritudine arma sua mutuari possit amoris deus (X. 14.). Genus autem est pulcritudinis, quod ad contemplationem evehat mentem (III. 15.), quod fascinet, ipsam tamen fascinationem dispellat essentia sua divina. (X. 12.). Hospitalis denique est Râdhâ et benigna vel erga hospitem sero diver-tentem et multae errationi deditum (VI. 12.); amoris est plena et ipsa obviam ire molitur amato (VII. 30.). Dolet magis quam irascitur, cog-nitis amasii delictis; reconciliata ultra modum amatum fovet. (XII. 12.)

Pulcritudinis, benignitatis, amoris constantis, exemplar quum sit Râdhâ, divinam benevolentiam eius persona significari asseruit Jonesius. Quae iusto arctior esse videtur notio; licet id certum sit, benevolentiam contineri eis, quae de Râdhâ praedicantur. ईश्वरप्रसाद, gratia numinis erga homines (cf. Colebr. de Vêdânta. Transs. Soc. As. Lond. II. 38.) ta-